

UGOVORA o isporuci roba

I UGOVORNE STRANE

Arhitektonski fakultet u Sarajevu

Sjedište: Patriotske lige br.30, 71000 Sarajevo
Kojeg zastupa prof. mr. Mevludin Zečević
Identifikacijski broj: 4200192800009
(u daljem tekstu: Naručilac)

i

FIXIT d.o.o. Sarajevo

Sjedište: Zaima Šarca 34, 71000 Sarajevo
Kojeg zastupa direktor Damjan Bandić
Identifikacijski broj: 4202048930006
Identifikacijski broj obveznika PDV-a: 202048930006
Transakcijski broj banke, ime i sjedište banke: 1610000167430062 kod Raiffeisen bank dd Sarajevo
(u daljem tekstu: Prodavac)

II PREDMET UGOVORA

Član 1.

Predmet ovog ugovora je nabavka softverskih antivirus licenci za potrebe informacionog sistema Arhitektonskog fakulteta u Sarajevu prema Pozivu Kupca, broj 05-693/2-18 od 11.05.2018. godine i Ponudi Prodavca, broj 140518/MC001-T od 14.05.2018.godine, koji su u prilogu ovog ugovora i čine njegov sastavni dio.

Član 2.

Predmet ugovora obuhvata isporuku, instaliranje, testiranje i puštanje u rad, konfiguracije, prilagodbe i integracije, predmetne robe, i to 80 licenci Kaspersky Endpoint Security for Business-Select, Educational, u trajanju od dvije godine.

Član 3.

Prodavac je naročito dužan pružiti podršku od dana aktivacije predmetnih roba, a sve na način opisan Pozivom Kupca broj 05-693/2-18 od 11.05.2018. godine.

III CIJENA I NAČIN PLAĆANJA

Član 4.

(1) Ukupna vrijednost predmetnog ugovora iznosi **1.891,58 KM** (slovima: jednahiljadaosamstotindevedesetjedna i 58/100 konvertibilnihmaraka) sa uključenim PDV-om, odnosno **1.616,74 KM** (slovima: jednahiljadašeststotinašesnaest i 74/100 konvertibilnihmaraka) bez uključenog PDV-a.

(2) U cijenu iz stava (1) ovog člana su uključeni troškovi nabavke, isporuke, instaliranja, testiranja i puštanja u rad, konfiguraciju, prilagodbu i integraciju predmeta ugovora.

Član 5.

(1) Kupac će izvršiti plaćanje u roku od 15 dana od prijema fakture Prodavca.

(2) Prodavac će ispostaviti fakturu nakon isporuke, puštanja u rad predmetnih roba i kvalitativnog i kvantitativnog prijema istih od strane Kupca.

IV NAČIN I ROK REALIZACIJE UGOVORA

Član 6.

Prodavac se obavezuje da po potpisu ugovora, a najkasnije u roku od pet dana od dana potpisa ovog ugovora isporuči, instalira, testira i pusti u rad, konfigurira, prilagodi i integriše robe koji su predmet ovog ugovora.

Član 7.

O eventualnim nedostacima u količini i kvalitetu predmetne nabavke Kupac će Prodavca izvijestiti odmah, a najkasnije u roku od sedam dana od dana puštanja robe u rad.

Član 8.

Za koordinaciju operativnih aktivnosti na realizaciji ovog ugovora, na način i u ugovorenim rokovima, imenuju se:

- za Kupca: Hašim Sijamić, tel. 033/213-493; e-mail: hasims@af.unsa.ba;
- za Prodavca: Mirza Čepalo, tel. 033/268-405; e-mail: info@fixit.ba.

V STUPANJE NA SNAGU I RJEŠAVANJE SPOROVA

Član 9.

(1) Ovaj ugovor stupa na snagu danom obostranog potpisivanja od strane ovlaštenih lica ugovornih strana.

(2) Ukoliko prodavac ne izvrši ugovorene obaveze u ugovorenom roku, dužan je na ime ugovorne kazne fakturu za isporučenu robu umanjiti za iznos od po 1% od ukupno ugovorenog iznosa za svaki započeti dan kašnjenja do izvršenja ugovora, a najviše do 10% od ukupno ugovorenog iznosa.

Član 10.

Svaka ugovorna strana može pokrenuti postupak raskida ugovora ako druga strana ne izvršava ugovorene obaveze, uz otkazni rok od 15 dana.

Član 11.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

Član 12.

Prodavac i njegovo osoblje dužni su čuvati kao poslovnu tajnu sve podatke i dokumente vezane uz izvršenje predmetnog ugovora za sve vrijeme trajanja ugovora i po njegovom isteku. Povjerljive su sve poruke i dokumenti koje Prodavac izradi ili primi tokom izvršenja ugovora.

Član 13.

Kupac zadržava pravo da zaustavi ili prekine izvršenje ugovora ukoliko u bilo kojoj fazi otkrije korupciju, te ako Prodavac ne poduzme sve odgovarajuće mjere za poboljšanje stanja.

U smislu ovog člana pod „koruptivnim postupcima“ se smatraju: nuđenje mita, pokloni, nagrade ili provizije za svaku osobu koja provodi ili obavlja bilo koju aktivnost vezanu za izvršenje predmetnog ugovora.

VI OSTALE ODREDBE

Član 14.

Prodavac nema pravo da, u svrhu izvršenja ovog ugovora, zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 15.

Za sve što nije regulirano ovim ugovorom primjenjivaće se odredbe propisa o obligacionim odnosima u Bosni i Hercegovini.

Član 16.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 17.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Prodavca

Bandić D.

Damjan Bandić, direktor



Datum: 16. 05. 2018. godine

Broj: 366/18

Za Kupca

Mevludin Zečević

prof. mr. Mevludin Zečević, dekan

Datum: 16. 05. 2018. godine

Broj: 05-30/75-18